

Vetushko-Kalevich A.

De mari Aegaeo ad Siciliae litora sito (Luc. Phars. II, 665)

[Stable URL: <http://elar.uniyar.ac.ru/jspui/handle/123456789/3401>]

[Публикация работы:]

Vetushko-Kalevich A. 2012: De mari Aegaeo ad Siciliae litora sito (Luc. Phars. II, 665) // Hyperboreus. 18, 142-147.



НАУЧНО-ОБРАЗОВАТЕЛЬНЫЙ
ЦЕНТР АНТИКОВЕДЕНИЯ

им. П.Г. ДЕМИДОВА
ЯРОСЛАВЛЬ, РОССИЯ

THE SCIENTIFIC & EDUCATIONAL
CENTRE FOR CLASSICAL STUDIES
AT YAROSLAVL DEMIDOV STATE UNIVERSITY
YAROSLAVL, RUSSIA

DAS WISSENSCHAFTLICHEN FORSCHUNGS- UND
STUDIENZENTRUM FÜR DIE GESCHICHTE,
KULTUR UND RECHT DER ANTIKE
DER STAATLICHEN DEMIDOW-UNIVERSITÄT JAROSLAWL
YAROSLAVL, RUSSLAND



РОССИЙСКАЯ АССОЦИАЦИЯ АНТИКОВЕДОВ
RUSSIAN SOCIETY OF CLASSICAL STUDIES



НАУЧНО-ИССЛЕДОВАТЕЛЬСКИЙ И ОБРАЗОВАТЕЛЬНЫЙ ФОНД
«ЦЕНТР ИЗУЧЕНИЯ РИМСКОГО ПРАВА»
ЯРОСЛАВСКИЙ ФИЛИАЛ
THE RESEARCH AND EDUCATIONAL FOUNDATION
“THE CENTRE FOR ROMAN LAW STUDIES”
YAROSLAVL BRANCH



ЯРОСЛАВСКИЙ ГОСУДАРСТВЕННЫЙ УНИВЕРСИТЕТ
им. П.Г. ДЕМИДОВА
YAROSLAVL DEMIDOV STATE UNIVERSITY

DE MARI AEGAEO AD SICILIAE LITORA SITO
(LUC. *PHARS.* II, 665)

Lucanus in fine secundi *Pharsaliae* libri describit, quomodo Caesar, ut Pompeio obstaret, ne Brundisio cum exercitu proficiseretur, portus exitum molibus intersaepserit, quas in fretum detrudere iussit. Talem laborem omnino fuisse irritum hisce verbis poeta explicat (II, 663–668):

Cedit in immensum cassus labor; omnia pontus
haurit saxa uorax montesque immiscet harenis,
ut, maris Aegaei medias si celsus in undas
depellatur Eryx, nullae tamen aequore rupes
emineant, uel si conuolso uertice Gaurus
decidat in fundum penitus stagnantis Auerni.

Cum tamen Gaurum montem Campanum admodum propinquum lacui Averno esse constet, Erycis mentio, qui in occidentali parte Siciliae situs sit, in mare Aegaeum depellendi inepta videtur ideoque ad emendationem aliquam stimulat.

Multi editores, praesertim ante saeculum vicesimum, utramque lectionem, sc. et *Aegaei* et *Eryx* conservabant volebantque Aegaeum pro quolibet alto mari adhibitum esse.¹

Haec nihilominus post mentionem Gauri Avernique, qui non solum geographice inter se congruunt, verum etiam insoliti in imaginibus poeticis sunt, ut iam supra diximus, mira et docto poeta vix digna videntur. Non insulse Bentleius hic notavit² verbum proiiciendi cum monte et mari tam longe distantibus quadrare magis quam depellendi; quod enim depelli dicimus, id plerumque haud procul a pristino situ cadit.

¹ M. Annaei Lucani *Pharsalia*, sive *De Bello Civili Caesaris et Pompeii* lib. X, ex emend. V. C. H. Grotii, cum eiusdem ... notis. Accesserunt *Variarum Lectionum Libellus*, et rerum ac verborum *Index locupletissimus*, opera Th. Pulmanni et al. concinnati (Antverpiae 1614) 326; M. Annaei Lucani *Pharsalia* ed. with English Notes by C. E. Haskins (London 1887) ad loc.; M. Anneo Lucano, *La Guerra Civile (Farsaglia)* libri I–V. Testo critico, trad. e comm. a cura di G. Viansino (Milano 1995) ad loc.

² M. Annaei Lucani *Pharsalia* cum notis... integris et aductis Rich. Bentleii ... quibus varias lectiones ... addidit C. F. Weber (Lipsiae 1821) ad loc.

Alii vero,³ nihil emendantes, Lucanum ideo Erycem in litore maris Aegaei posuisse aiunt, quod illud Aeneidos memoria teneret (XII, 701): “Quantus Athos aut quantus Eryx...” Quam suspicionem Oudendorpio Athos paulo infra (v. 677) in alia imagine adhibitus confirmat. At vix credibile videtur Lucanum, etsi graviter in rebus geographicis interdum errat, situm Erycis ignorasse, Siciliae montis post Aetnam notissimi. Praeterea vidimus alibi (IX, 919) thapsum “Erycinam” appellari—quod gramen re vera, teste Nicandro (*Th.* 529), in Sicilia gignitur.

Quidam veteres editores⁴ etiam “Athos” pro “Eryx” inserendum censebant. Saepe enim ille a poetis in huiusmodi imaginibus depingendis adhibetur: praeter Vergilium invenimus apud Ovidium (*Met.* XI, 554s.), qui una cum Atho Pindum in mare deicit, et Valerium Flaccum (*Arg.* IV, 322), ubi “pars Erycis vel totus Athos” decidit. Non esse “Eryx” in “Athos” mutandum iam Oudendorpius et Bentleius demonstrarunt: primo quia nequit scribae error explanari, secundo quia Athonis mentio post pauca iterum fiet.

Saepius autem “Aegaei” emendabatur. Alii alia proposuerunt: “Aetnaei”, “Hennaei”, “Ausonii”, “Ionii”, “Hadriaci”. Omnibus tamen huiusmodi coniecturis sine dubio “Aeolii” praestat, a Bentleio inventa, cui Housman postea assensus est. Hic autem ita coniecturam explanavit:⁵ falsum illud AEGAEI ex ambiguo AEGIII, quod scriba viderat, profluxit. Mare enim, quod Siciliae litora pulsat, Aeolium semel apud Silium Italicum appellatur (*Pun.* XIV, 232–234):

Litora Thermarum, prisca dotata camena,
armaueri suos, qua mergitur Himera ponto
Aeolio.

Hanc coniecturam, sc. Aeolii, plerique editores post Housman accipiunt, in quorum numero etiam Van Campen et Fantham sunt, qui uberrimis notis secundum librum *Pharsaliae* haud ita pridem instruxerunt.

Gottlieb Cortius primus fuisse videtur, cui in mentem venit nomen maris, quo Eryx depellendus est, cum insulis Aegatibus, Siciliae vicinis,

³ M. Annaei Lucani Cordubensis *Pharsalia*, sive *Belli Civilis Libri Decem* ... curante F. Oudendorpio (Lugduni Batavorum 1728) ad loc.; Haskins (supra n. 1) ad loc.

⁴ “Sabellicus et alii”, teste Farnabio: M. Annaei Lucani *Pharsalia*, sive *De Bello Civili Caesaris et Pompeii lib. X. Additae sunt ... notae...* Th. Farnabii (Amstelodami 1643) ad loc.

⁵ M. Annaei Lucani *Belli Civilis Libri Decem* editorum in usum ed. A. E. Housman (Oxonii 1926) ad loc.

coniungere.⁶ Ideo voluit Aegatum pro Aegaeis ponere. Burmannus vero, quamquam illius conjecturae mentionem fecit, hoc ei opponit, non solere in lingua Latina maria genetivo casu nominis insularum, quas continent, designari. Ipse autem putat lectionem manuscriptorum servari posse, Lucanum tamen hoc modo de illa parte maris Mediterranei, quae insulis Aegatibus adiacet, loqui. Evidem credo haud exiguae esse causas hoc ipso modo locum intelligendi.

Primum omnium, multo propiores Eryci insulae Aegates sunt, quam Aeoliae, quas Bentleius et Housman indicant.

Praeterea Eryx et insulae Aegates in memoria hominis eruditii non solum geographicis, sed etiam historicis nexibus coniuncti erant. Recordemur duos Livii locos:

Aegates insulas Erycemque ante oculos proponite, quae terra marique per quattuor et uiginti annos passi sitis (XXI, 10, 7).

Experiri iuuat utrum alios repente Carthaginenses per uiginti annos terra ediderit an iidem sint qui ad Aegates pugnauerunt insulas et quos ab Eryce duodeuicenis denariis aestimatos emisistis (XXI, 41, 6).

His scilicet in locis de fine belli Punici primi agitur, cum classis Carthaginiensium, dum Hamilcari auxilium ferebat, qui tunc temporis ab Erycis arce Romanos arcebat, a Romanis oppressa est. Hamilcaris autem exercitus magna pecunia repensa Erycem relinquere coacta est. Apud Silium Italicum Aegates fere pro nomine appellativo adhibentur; Erycis autem cacumen Veneri locus fuit, unde pacem post bellum Punicum primum componendam contemplabatur (*Pun.* VI, 697).

Porro videamus aliam Pharsaliae partem, quae magni momenti in nostro loco tractando est. Nam in libro quinto iterum Aegaeum pro “mari insularum Aegatum” poni videtur (V, 608–614):

Non Euri cessasse minas, non imbribus atrum
Aeolii iacuisse Notum sub carcere saxi
crediderim; cunctos solita de parte ruentis
defendisse suas uiolento turbine terras,
sic pelagus mansisse loco. nam parua procellis
aequora rapta ferunt; Aegaeas transit in undas
Tyrrhenum, sonat Ionio uagus Hadria ponto.

Omnes fere, qui hunc locum vel explanabant, vel alias in linguis vertebant, autumabant, cum hic insolita vi irruens procella describatur,

⁶ M. Annaei Lucani *Pharsalia* cum comm. P. Burmanni (Leidae 1740) ad loc.

plane de illo mari, quod semper Aegaeum vocamus, agi. Cautioris, etsi aliquantulum mirae opinionis fuit Cortius:⁷ Lucanum scilicet Aegaeum et Tyrrhenum tam propinqua putare, quam Ionium et Adriaticum. Consentit Cortio Cornelis Francken, cui mare Aegaeum hic usque ad Siciliam extensum esse videtur.⁸

At quid si et hic illud “mare insularum Aegatum” intelligi debet? Nam collisio eius cum mari Tyrrheno optime cum collisione inter Ionium et Adriaticum congruit; praeterea minus dubitandum erit pelagum – hoc est vel totum Oceanum vel totum mare Mediterraneum – mansisse loco, ut paulo supra (v. 612) Lucanus ait. Aegatum denique mentio priscam difficultatem, quam hic locus praebet, solvere possit: servandum enim est lectio “nam parva”, quam codices recentiores plurimaeque editiones in “nec parva” mutant, Housman vero in “nam priva”, quandoquidem omnia haec maria vix nomen “parvorum” patientur. Sin autem “Aegaeas undas” de undis “maris insularum Aegatum” dici putemus, omnia maria confinia faciamus – quorum partes confines sine ullo scrupulo “parva aequora” appellare valemus.

Insolitum quidem videtur “mare insularum Aegatum” “Aegaeum mare” appellari. At revocemus in memoriam, quam libere (quin etiam neglegenter interdum) Lucanus nomina geographica usurpet. Ut exempla afferam, Seres apud eum Nili fontibus vicini sunt (X, 292); qui Dirrachium petit, modo Borea (II, 646), modo Austro (III, 1) propellitur. Pro nominibus quibusdam geographicis usitatissimis interdum consona eis adhibentur, vel lapsu vel consulto. Tertio in libro Massilienses a Caesare oppugnati lares suos e Phocide olim transtulisse aiunt (v. 340), quamquam Massiliam Phoceae coloniam fuisse constat.

Quem lapsum non esse consulto factum similes loci apud alios scriptores probant, sc. apud Senecam (*Dial.* XII, 7, 8), apud Gellium (X, 16, 4) et apud Sidonium (*Carm.* XXIII, 13). Animadvertisimus tamen aliam occasionem: in sexto Pharsaliae libro (v. 449) Babylon non more solito Persica, sed Persea inscribitur; ante Lucanum hoc nomen adiectivum semper ad Perseum spectat, ad Persas vero spectans non nisi apud Statium invenitur (*Theb.* I, 719).

Persea illud pro Persica eo maioris nobis est momenti, quod Phocida pro Phoece lapsu posuisse, hic vero consulto licentiam commisisse poeta videtur – ita ut etiam cum illo Aegaeo rem se habere censeo.

⁷ M. Annaei Lucani *Pharsalia* cum notis ... Gottl. Cortii ... aliorumque. Editionem morte Cortii interruptam absolvit C. F. Weber. Vol. I (Lipsiae 1828) 299.

⁸ M. Annaei Lucani *Pharsalia*. Cum comm. critico ed. C. M. Francken (Lugduni Batavorum 1896) ad loc.

Interrogari denique id solum possit, quo modo Latine recte nomen adiectivum ab insulis Aegatibus derivatum sonat? De adiectivo illo haud illepidum quendam casum narrare velim. In scriptis quidem Latinis omnino illud abest (quo paulo magis probanda Burmanni conjectura videtur), Graece vero Αἴγουσταῖος apud Stephanum Byzantium (*Ethn.* s. v. Αἴγουστα) invenimus – a nomine scilicet insularum Aegatum, quae Graece Αἴγουσται appellantur. Burmannus⁹ Stephanum ita laudat: “Stephanus de urbibus inde ducat Aegusaeum”. Tum Lemaire ille in editione sua ait:¹⁰ “Hoc autem Stephanus non Aegaeum, sed Aegusaeum vocat”. At Bourgery, cum prave intellexisset, de quo Stephano ageretur, Aegusaei in apparatu critico posuit¹¹ et Roberti Stephani philologi paeclari, qui saeculo decimo sexto vixit, Thesaurum Linguae Latinae composuit et pater Henrici Stephani fuit, conjecturam nuncupavit. Idem scripsit in apparatu critico Georgius Luck,¹² eo tantum discrimine, quod, ut inconvenientiam metricam vitaret, Aegusae pro Aegusaei posuit. Ultimum autem incredibili huic confusione Fantham tribuit, quae conjecturam *Aegatis* a Stephano excogitatam memorat,¹³ quamquam Bourgery verus eius auctor fuit.

Putamus igitur in *Phars.* II, 665 et V, 613 mare Aegaeum de “mari insularum Aegatum” dici, primum quod cum contextu rerum optime congruit, deinde quod a Lucani modo scribendi huiusmodi res insolitae non prorsus abhorrent.

Arsenius Vetushko-Kalevich
avetushko@rambler.ru

Bibliotheca classica Petropolitana;
Universitas Petropolitana

Describing Caesar's attempts to keep Pompey from leaving Brundisium's harbour with the help of masonry and rocks, Lucan compares this useless work with throwing mount Eryx into the Aegean sea and Gaurus into the lake Avernus (2, 665–668). The former is most surprising. Editors that retain the reading of the manuscripts either interpret *Aegei* as a designation of a deep sea in general or

⁹ Supra n. 6.

¹⁰ M. Annaei Lucani *Pharsalia* cum varietate lectionum argumentis et selectis variorum adnotationibus quibus suas addidit P.-A. Lemaire. Vol. I (Parisiis 1830) 211.

¹¹ Lucain, *La Guerre Civile (La Pharsale)* I : Livres I–V. Texte établi et traduit par A. Bourgery (Paris 1976) 60.

¹² Lukian, *Der Bürgerkrieg*. Lateinisch und Deutsch von G. Luck (Berlin 1989) 142.

¹³ Lucan, *De Bello Civili. Book II.* Ed. by E. Fantham (Cambridge 1992) 210.

incriminate to Lucan a geographical error. The most popular emendation is Bentley's *Aegaei*, supported by Housman.

The author defends Burmann's proposal that the "Aegean sea" refers to a part of the Mediterranean near the Aegadian islands to the north of Sicily. In general, Lucan is rather bold in forming geographical epithets, cf. *Perseus* in the sense of *Persicus* in 6, 449. Moreover, there is another passage in the *Pharsalia*, where *mare Aegeum* arguably stands for the "Aegadian" sea, viz. 5, 612–614: thus the Tyrrhenian sea migrated to "Aegadian" would be geographically symmetrical to the following conflict of the Ionian and the Adriatic seas.

Описывая попытки Цезаря при помощи массивных глыб загородить Помпею выход из гавани Брундзия, Лукан сравнивает тщетность этого труда со сбрасыванием горы Эрика в Эгейское море, а Гаврского хребта—в Авернское озеро (II, 665–668). Последний образ с географической точки зрения представляется естественным, но мысль о сталкивании Эрика в Эгейское море вызывает недоумение. Издатели, сохраняющие текст, предлагают понимать *Aegaei* как обозначение любого глубокого моря или же видят здесь географическую ошибку. Из исправлений особенно популярно *Aeolii* (Бентли, Хаусмен).

Автор поддерживает предложение Бюргмана понимать под "Эгейским морем" участок Средиземного моря, прилегающий к Эгейским островам. В пользу этого говорит смелость Лукана в образовании географических названий: ср., например, *Perseus* вместоозвучного *Persicus* (о Вавилоне, VI, 449). Кроме того, в "Фарсалии" обнаруживается еще одно место, где можно предположить, что "Эгейским" морем названо "Эгейское", – V, 612–614: идея о переходе Тирренского моря в воды "Эгейского" была бы географически симметрична последующим словам о столкновении Ионического и Адриатического морей.